

tu, & progressu juris civilis laudatissimo opere, in lib. 1., qui est originum, num. 6., hæc de Apparitoribus scribit: *Suum quoque locum tenebant Apparitores Magistratum, & Accensi, sic appellati, quod accirent, sive exciperent mandata Consulibus, & vocarent ad comitia centuriata, itemque ad tribunal Prætoris, eos, quibus erat jus reddendum; vel molestis interpellationibus silentium imponerent: Varro de ling. lat. Sigon. lib. 2. c. 15. de antiq. civ. Rom.* Sub nomine proinde Apparitorum etiam Accensos collocat, ut Pitiscus; sed cæteros removet, nempe Scribas, Interpretes, Præcones, Viatores, Liçtores, Servos publicos, & Carnifices, contra Pitiscum. Inter Liçtores autem nullum statuit discrimen, quum æque de omnibus dicat: *Liçtores etiam erant, qui summovento populo, fontibus cædendis, ac securi ferendis, faciendisque jussibus præsto erant Consulibus, Prætoribus, Interregibus, & Dictatoribus; ac Liçtores a ligando dicti, quod fontibus ad supplicium manus ligarent.* Verum tempus est, ut ad varias Apparitorum species descendamus.

§. IV.

De Scribis, Accensis, Interpretibus, Præconibus, Viatoribus, Servis publicis, Statoribus, eorumque muneribus.

Scribæ apud Hebræos Doctores erant in Mosaica lege periti; qui & hodie communiter, ut ait Macro in Hierolexico, hoc verbo, Rabbini vocantur. Idem asserit, de Tribu Simeon Scribas fuisse; ac proinde Tribus Levi, & Simeon, inter Israeliticum populum, di-